

stantinopoleos Episcopus : & Severianus Gabalorum : & Sanctus Theodotus qui Ancyrae praesuit : & Johannes Constantinopoleos, e Cappadocia genus trahens, & cognomine, homo virtutis domicilium : & Sanctus Eulogius Alexandriae Archiepiscopus, qui multis verbis Acephalorum sententiam refellit : & Sanctus Johannes Scythopoleos Episcopus, qui doctè & pie de Synodo Chalcedonensi scripsit : & Heraclianus Episcopus Chalcedonis, qui maximum cum Manichæis certamen inivit : & Leontius solitariam & monasticam vitam ducens : & Sanctus Anastasius Theopoleos Episcopus ; & Simeonius (1) Monachus & Presbyter, testimonium vero, quod hunc Sanctum agnoscit, ex ejus Epistola ad Justinianum Imperatorem, quæ etiam contra Nestorianos & Euzychianos digladiatur, depromptum est. Ipse vero Justinianus pius Imperator, in iis, quæ ad Zoillum Patriarcham Alexandrinum scripsit, hanc Epistolam Thesaurum nominavit : sed & Constantinus quidam, dignitate Quæstoria, ipse quoque contra impium Theodesium scripsit, unde testimonia de duabus in Christo operationibus describuntur. Ad hos omnes accedit Theophilus, unus e piis & doctis, qui in scriptis suis cum Severo plurimum pugnat, quem odiosus & contentiosus Sertarius, Librarianus, ipse pessimus Librarianus, per contumeliam nominat. Hæc quidem testimonia, quæ Liber hic continebat, e Sanctis illis prius nominatis Patribus deprompta sunt. Utilia vero essent ad reprehendum eos, qui unam tantum in Christo operationem asserunt. Continebatur etiam testimonium in supradictis quoddam, e Libro quodam sine inscriptione positum. Liber vero, unde testimonium erat petitum, Severum his verbis reprehensum clare demonstrabat. Desunt porro, quæ Photius ex hoc Libro exscripsit.

C A-

(1) Photius in Biblioth. Cod. 229. de Ephremii Patriarchæ Antiocheni Libro, qui de sacris Antiochiæ Legibus inscribitur, p. 831. ait, ab Ephremio laudatas Epistolas Simeonis, Baradati, & Jacobi ad Basilium Antiochiæ Episcopum, ubi Schotus hæc Photii verba : ὁ Θεοφίλος ἐπράϊμος παρατίθησι ἐπιστολάς τῶ τε ἐν ἀγίοις συμμεῶρος, τὴ σὴν ἐν τῷ κίονι εἰς αὐτὸν ἀλλήσαντος, perperam sic Latine riddit : „ Vir Dei Ephremius apponit Epistolas S. Simeonis, qui in seditione Clonensi occubuit „ . Quum dicere debuisset, „ qui in columna stationem athleticæ peregit : hoc est, qui Syllites fuit „ .